



Dunia Tuhan: rumah kita

Doa Hujung Minggu Sedunia | Jun 3-4 2023

Di dalam banyak terjemahan Alkitab ayat pertama bermula, “Pada mulanya Tuhan...” Sebelum wujudnya waktu, Tuhan adalah “AKU”.

Tuhanlah yang membawa ketentraman daripada kekacauan dan mencipta alam semesta. Dia meletakkan manusia di bumi dan memerintahkan dia untuk menjaga ciptaan-Nya dengan bantuan wanita, suatu perkongsian tugas dalam perkahwinan.

Tema kita untuk Hari Doa Minggu Sedunia 2023 mengakui bahawa kita hidup dalam ciptaan Tuhan: Dia telah menjadikannya rumah yang indah untuk dijaga.

Ia adalah rumah yang indah di mana kita mempunyai kewajipan untuk bekerjasama untuk mewujudkan keselesaan, keselamatan dan kasih sayang untuk anak-anak zaman ini dan generasi akan datang.

Mari kita tumpukan doa kita pada acara tahun ini pada pujian untuk ciptaan Tuhan, untuk tindakan bagi menjaga ciptaan dan untuk campur tangan bersama bagi menyokong kanak-kanak yang paling terjejas oleh pereputan ciptaan, kerosakan yang bekerja melalui kegagalan manusia.

Sebab dengan sangat rindu seluruh makhluk menantikan saat anak-anak Allah dinyatakan.
(Roma 8:19)

Mesej daripada Phil Green, Ketua Eksekutif Viva

Setelah menyertai Viva sebagai Ketua Eksekutif pada Disember 2022, saya sangat teruja untuk menghargai Doa Hujung Minggu Sedunia tahun ini. Ia mencerminkan semangat saya yang menggalakkan kanak-kanak untuk memimpin kita dalam pujian dan doa.

“ya Tuhan, Allahku. Dengarlah seruan dan doa yang hamba-Mu panjatkan di hadirat-Mu pada hari ini.” (1 Raja-raja 8:28)



Pada tahun 2022, lebih daripada 800,000 kanak-kanak dan orang dewasa, di 25 buah negara, mengambil bahagian di dalam Doa Hujung Minggu Sedunia. Saya tidak sabar menantikan bulan Jun 2023 di mana lebih ramai lagi kanak-kanak akan memuji Tuhan atas ciptaan-Nya dan berdoa agar kita dapat bekerjasama untuk mengatasi cabaran yang kita hadapi: Yesus menjawab, “Apa yang mustahil bagi manusia, tidak mustahil bagi Allah.” (Lukas 18:27, NLT)

SIANG DIPISAHKAN DARIPADA GELAP

HARI 1

BACA: Kejadian Genesis 1: 1-5

PUJIAN PENCIPTAAN: Tuhan membawa ketertiban daripada kekacauan. Sumber elektrik untuk cahaya ketika malam.

PEMELIHARAAN PENCIPTAAN: Sumber boleh diperbaharui untuk tenaga elektrik.

PEMELIHARAAN KANAK-KANAK: Yesus menyinarkan cahaya di mana kegelapan sifat buruk adalah merupakan satu ancaman.

Mazmur 145: Aku akan meninggikan-Mu, ya Allah Rajaku; aku akan memberkati nama-Mu selama-lamanya. 2Setiap hari aku akan memuji-Mu, aku akan menyanjung nama-Mu selama-lamanya.(Ayat 1-2)

AKTIVITI: Layari <https://youtu.be/EegzzyLlnZQ> dan, dengan bantuan Puan Mukyala Moyler, cipta sebuah Dunia Model Interplaylands.



PEMISAHAN AIR DAN LANGIT

HARI 2

BACA: Kejadian 1:6-8

PUJIAN PENCIPTAAN: Awan yang membawa hujan

PEMELIHARAAN PENCIPTAAN: Penggunaan air yang bijak: empangan, pengairan, pam dan paip

PEMELIHARAAN KANAK-KANAK: Air bersih, tidak tercemar untuk diminum oleh semua orang

Mazmur 145: “Besarlah TUHAN dan sangat terpuji, dan kebesaran-Nya tidak terduga. Angkatan demi angkatan akan memegahkan pekerjaan-pekerjaan-Mu dan akan memberitakan keperkasaan-Mu. Semarak kemuliaan-Mu yang agung dan perbuatan-perbuatan-Mu yang ajaib akan kunyanyikan.
..” (ayat 3-5)

AKTIVITI: Bina senarai adjektif bagi ciptaan Tuhan yang menakjubkan. Kumpul dan sukat air hujan.



DARAT DIPENUHI TUMBUH-TUMBUHAN, BUAH-BUAHAN DAN TANAM-TANAMAN

HARI 3

BACA: Kejadian 1:9-13

PUJIAN PENCIPTAAN: Bukit dan lembah untuk didiami. Buah dan sayuran-sayuran untuk dimakan.

PEMELIHARAAN PENCIPTAAN: Hasil tanaman yang baik tetapi dengan penjagaan tanah untuk masa depan. Hadkan penebangan hutan.

PEMELIHARAAN KANAK-KANAK: Buah-buahan dan sayur-sayuran yang mencukupi untuk kanak-kanak yang membesar.



Mazmur 145: “Kekuatan perbuatan-perbuatan-Mu yang dahsyat akan diumumkan mereka, dan kebesaran-Mu hendak kuceritakan. Peringatan kepada besarnya kebajikan-Mu akan dimasyhurkan mereka, dan tentang keadilan-Mu mereka akan bersorak-sorai. TUHAN itu pengasih dan penyayang, panjang sabar dan besar kasih setia-Nya.” (ayat 6-8)

AKTIVITI: Tabur benih - menanam makanan. Bersiar-siar di alam sekeliling - peluk pohon.

SIANG, MALAM, MATAHARI, BULAN DAN BINTANG

HARI 4

BACA: Kejadian 1:14-19

PUJIAN PENCIPTAAN: Untuk matahari dan musim. Untuk graviti yang menyatukan alam semesta.

PEMELIHARAAN PENCIPTAAN: Pengurangan pengaruh manusia terhadap iklim. Cuaca yang kurang ekstrem.

PEMELIHARAAN KANAK-KANAK: Bantuan untuk kanak-kanak dan keluarga yang terkesan oleh bencana alam: kebakaran, kemarau dan banjir.

Mazmur 145: “TUHAN itu baik kepada semua orang, dan penuh rahmat terhadap segala yang dijadikan-Nya. Segala yang Kaujadikan itu akan bersyukur kepada-Mu, ya TUHAN, dan orang-orang yang Kaukasihi akan memuji Engkau. Mereka akan mengumumkan kemuliaan kerajaan-Mu, dan akan membicarakan keperkasaan-Mu, untuk memberitahukan keperkasaan-Mu kepada anak-anak manusia, dan kemuliaan semarak kerajaan-Mu.” (ayat 9-12)

AKTIVITI: Bersiar-siar di alam sekeliling untuk memperhatikan cuaca, bulan dan bintang. Aktiviti komuniti kecil-kecilan untuk mengurangkan risiko banjir.



IKAN DAN BURUNG - BERTAMBAH BANYAKLAH

HARI 5

BACA: Kejadian 1:20-23

PUJIAN PENCIPTAAN: Keindahan ikan dan burung. Sistem di mana mereka tinggal yang akhirnya seimbang. Hadiah Tuhan sebagai makanan.

PEMELIHARAAN PENCIPTAAN: Pengurusan untuk mengelakkan penangkapan ikan yang berlebihan. Menggunakan sistem pertanian yang mampan untuk ikan, daging ayam dan telur.

PEMELIHARAAN KANAK-KANAK: Semua keluarga mempunyai diet dengan protein yang mencukupi. Perlindungan kanak-kanak daripada penyakit yang berpindah daripada penghasilan makanan.

Mazmur 145: "Kerajaan-Mu ialah kerajaan segala abad, dan pemerintahan-Mu tetap melalui segala keturunan. TUHAN setia dalam segala perkataan-Nya dan penuh kasih setia dalam segala perbuatan-Nya. TUHAN itu penopang bagi semua orang yang jatuh dan penegak bagi semua orang yang tertunduk. Mata sekalian orang menantikan Engkau, dan Engkaupun memberi mereka makanan pada waktunya' (ayat 13-15)

AKTIVITI: Bersiar-siar di alam sekeliling untuk memperhatikan burung. Memungut sampah - mengurangkan plastik yang masuk ke dalam lautan. Menyediakan hidangan seimbang yang sihat bersama-sama.



SEMUA MAHLUK DARAT. HAIWAN DOMESTIK. MANUSIA

HARI 6

BACA: Kejadian 1:24-31


PUJIAN PENCIPTAAN: Makhluk darat dan interaksi mereka. Lelaki dan wanita untuk perkahwinan dan kanak-kanak di dalam keluarga.

PEMELIHARAAN PENCIPTAAN: Kebijakan di dalam menyeimbangkan keperluan populasi manusia dan hidupan liar yang semakin berkembang.

PEMELIHARAAN KANAK-KANAK: Perlindungan perkahwinan agar dipenuhi dengan kasih, saling menjaga dan harmoni. Anak-anak dalam pernikahan harus dipelihara dan diasuh dengan baik.

Mazmur 145: "Engkau yang membuka tangan-Mu dan yang berkenan mengenyangkan segala yang hidup. TUHAN itu adil dalam segala jalan-Nya dan penuh kasih setia dalam segala perbuatan-Nya. TUHAN dekat pada setiap orang yang berseru kepada-Nya, pada setiap orang yang berseru kepada-Nya dalam kesetiaan. Ia melakukan kehendak orang-orang yang takut akan Dia, mendengarkan teriak mereka minta tolong dan menyelamatkan mereka." (ayat 16-19)

AKTIVITI: Haiwan A-Z (Main satu permainan dimana kamu bergilir-gilir untuk menamakan haiwan dengan abjad permulaan yang berbeza). Cipta cap jari - semuanya unik. Bina sebuah hotel serangga. Buat satu kompos daripada sisa buangan dapur.



HARI REHAT

BACA: Kejadian 2:1-3

PUJIAN PENCIPTAAN: Rancangan Tuhan adalah untuk menetapkan satu hari dalam seminggu sebagai hari rehat dan hari untuk fokus kepada ibadah.

PEMELIHARAAN PENCIPTAAN: Menjaga diri kita sendiri: umat manusia. Rutin yang baik dan keseimbangan kerja, rehat dan bermain.

PEMELIHARAAN KANAK-KANAK: Kanak-kanak di bandar boleh menikmati hari-hari yang baik, kerap, dan istimewa bersama keluarga dengan akses ruang hijau yang mencukupi.




Mazmur 145: “TUHAN menjaga semua orang yang mengasihi-Nya, tetapi semua orang fasik akan dibinasakan-Nya. Mulutku mengucapkan puji-pujian kepada TUHAN dan biarlah segala makhluk memuji nama-Nya yang kudus untuk seterusnya dan selamanya ” (ayat 20-21)

TOLONG DOAKAN BERSAMA KAMI

1. TUHAN MENCIPTA DUNIA

Terima kasih Tuhan, atas cahaya pada siang hari dan juga malam. Terima kasih Tuhan atas cahaya yang ada di rumahku. Terima kasih Tuhan atas rahmat hujan yang menyirami bumi. Mohon hantarkan hujan kepada mereka yang lebih memerlukannya wahai Tuhan Pencipta yang Maha Kuasa, Engkau sungguh berkuasa. Terima kasih kerana mencipta dunia ini dan juga saya.




2. RUMAH KAMI ROSAK

Engkau mencipta dunia yang baik. Engkau membuat segalanya dengan sempurna. Kami telah mengganggu dunia-Mu oleh kerna kecuaiian dan ketamakan kami. Tuhan maafkan kami! Tuhan Pencipta, Engkau meminta kami untuk menjaga lautan, namun kami memenuhkannya dengan sisa buangan kami. Maafkan kami atas kecuaiian dan kejahilan kami.




3. YESUS MEMBINA SEMULA

Tuhan, Engkau telah memberikan kami minda yang mengagumkan yang boleh menyelesaikan masalah dan mencipta perkara-perkara yang menakjubkan. Bantu saya untuk mencipta ruang hijau yang cantik. Tuhan yang hidup, bantu saya untuk menjadi kreatif seperti-Mu. Bantu saya untuk membina rumah bagi perkara-perkara yang penting dan mencari cara yang lebih baik untuk membuang benda-benda yang tidak dapat digunakan.



4. DUNIA TUHAN, RUMAH KITA PULIH

Pencipta Alam Semesta yang Maha Kuasa, terima kasih kerana datang ke bumi untuk mencari saya semula, apabila saya telah melarikan diri daripada Mu dan ajaran-Mu. Terima kasih, Yesus, kerana Engkau mempunyai kuasa ke atas ciptaan. Namun Engkau memilih untuk menjadikan kami sebagai pengurus dunia-Mu. Bantu saya untuk menjadi seorang pengurus yang baik.



Doa-doa adalah daripada sumber, 'Stewarding our world,' oleh Miriam Friday/Viva/CRANE di Uganda.

Karya seni oleh: Vansh (13) India- Hari pertama; Musinguzi (6), Uganda- Hari kedua; Annalie (10) Jerman - Hari ketiga; Jatin (16) India - Hari keempat; Isabel (9) Cuba - Hari kelima; Evie (12) UK - Hari keenam.

Kempen Hari Doa Minggu Sedunia merupakan inisiatif global yang dianjurkan pada minggu pertama bulan Jun setiap tahun, yang menyatukan beratus-ratus ribu orang dewasa dan kanak-kanak di seluruh dunia. Ianya diorganisasikan oleh Viva, sebuah pertubuhan amal yang didedikasikan untuk mengubah lebih banyak hidup kanak-kanak bagi memenuhi potensi mereka yang diberikan oleh Tuhan di dalam 42 rangkaian komuniti di seluruh dunia. Ketahui lebih lanjut di www.viva.org

